

文

選

旁

證

文選旁證卷第四十二

長樂梁章鉅撰

卷五十一 過秦論

過秦論 張氏雲璈曰過秦三篇賈子新書無論字應劭曰賈誼書第一篇亦不以爲論也

秦孝公據殽函之固 六臣本殽作崤困學紀聞十一云春秋

時殽桃林晉地非秦有也按秦孝公已非春秋時矣

注崤謂二殽 史記陳涉世家集解引韋昭說崤作殽

囊括四海之意 漢書陳勝傳無之意二字

當是時也 賈子新書無也字

修守戰之具 史記具作備新書同

於是秦人拱手而取西河之外 梁氏玉繩曰秦惠文王八年

魏入河西地於秦孝公時安得至西河之外乎史記商君傳有魏惠王割河西地獻秦以和之語並誤

惠文武昭 史記陳涉世家作惠文主武王昭王漢書及賈誼新書並作惠文武昭襄惟史記始皇本紀作惠王武王則遺却昭王一代耳

收要害之郡 毛本收上有北字新書亦有衍也他書並無齊有孟嘗趙有平原楚有春申魏有信陵 梁氏玉繩曰史記正義於春申傳云四君封邑檢皆不獲惟平原有地又非趙境並皆號謚索隱於魏公子傳云地理志無信陵或是鄉邑名兩注疎陋之甚魯頌箋曰嘗在薛之旁裴駘司馬貞已引之田文襲父封薛兼食嘗邑故號孟嘗孟乃其字趙勝封於東武城黃歇初封淮北後徙吳墟俱明載本傳平原春申是

號而非地故韓子和氏篇言楚莊王有弟春申君漢朱建及孝景皇后母臧兒皆號平原君也若魏公子無忌則封於陳留郡之寧陵縣而號之爲信陵君者也寧陵爲古葛地葛於六國屬魏魏以封公子無忌號信陵此乃確證

約從離衡 新書離作連非也

兼韓魏燕趙宋衛中山之衆 史記始皇本紀兼作并燕下有楚齊二字王氏念孫曰有者是也各書並脫

寧越 呂氏春秋不廣篇寧越注云趙中牟人又博志篇寧越中牟之鄙人學十五歲而周威公師之此注引寧越語孔青事卽在不廣篇兩處俱云中牟人是一人也惟史記集解引徐廣曰越一作經或別有此人不必要寧越也其說獨異

徐尙注 未詳 史記索隱亦云未詳漢書無注按徐尙疑卽史

記魏世家之外黃徐子說魏太子申以百戰百勝之術者

召滑 史記始皇本紀作昭滑陳涉世家作邵滑而甘茂傳亦

作召滑徐廣曰滑一作涓

翟景 注未詳 史記索隱亦云未詳梁氏玉繩曰疑卽趙策之

翟章王氏念孫曰翟景蓋卽戰國策之翟強楚策曰魏相翟

強死魏策曰魏王之所用者樓鼻翟強也又曰翟強欲合齊

秦外楚者也景字古讀若彊聲與強相近故翟強或作翟景

春秋考異郵景風至景者強也強以成之史記高祖功臣侯

者表杜衍彊侯王郢人徐廣曰彊一作景可證

注高誘曰周最周公之子也 戰國西周策曰司寇布爲周最

謂周君曰君使人告齊王以周最不肯爲太子也故高注云

爾漢書古今表周景梁氏玉繩謂景當是最之譌又史周紀

云齊重則固有周聚以收齊徐廣曰亦作最

帶佗

注

未詳

王氏念孫曰易林益之臨曰帶季兒良明知權

兵將師合戰敵不能當趙魏以彊帶季蓋卽帶佗帶佗兒良爲趙魏將故曰趙魏以彊但未知孰爲趙將孰爲魏將耳

兒良

漢書藝文志兵權謀十三家有兒良一篇師古曰六國

時人王氏念孫曰注中王廖兒良云云見呂氏春秋不二篇高注亦未言王廖兒良爲何國之將

王廖

此王廖六國之士也在戰國時韓詩外傳亦有王廖則

春秋時秦內史也非一人

趙奢之倫

史記始皇本紀及漢書倫並作朋

叩關而攻秦

注

叩或爲仰秦地高故曰仰攻之

六臣本及史

記陳涉世家漢書新書叩並作仰王氏念孫曰仰本作叩叩

叩字相似故誤作叩

九國之師 史記楚世家云六國攻秦楚懷王爲從長六國者楚及燕趙魏韓齊也秦本紀言韓趙魏燕齊卽何奴共攻秦而不及楚年表及燕世家又不及齊趙世家但言與韓魏擊秦魏世家但言五國攻秦皆語焉不詳此論獨稱九國之師索隱謂六國之外更有宋衛中山蓋三國共以兵從也

遁逃而不敢進 史記始皇本紀遁逃作逡巡今本下衍遁逃二字漢書作逡巡新書作逡巡惟史記陳涉世家與此同梁氏玉繩曰逡卽巡字傳寫者因遁與循近遂誤改遁爲巡又移遁配逃增於逡巡之下實逡巡之異文謂九國遲疑不進爾若云遁逃而走卽應大被追躡豈但不敢進乎匡謬正俗及金石文字記辨之詳矣漢書平當傳贊逡遁有恥游俠萬

章傳逡遁甚懼隸釋鄭固碑逡巡退讓可證

注

史記曰逡巡遁逃 六臣本作遁逃史記作逡巡是也蓋李

所見史記本如是後人妄添二字尤本依之誤改耳

而天下諸侯已困矣於是從散約解 漢書無諸侯二字解作
敗史記陳涉世家作而天下固已困矣

流血漂櫓 史記漢書櫓並作鹵朱氏珔曰說文木部櫓字云
大楯也重文櫓字云或从鹵因卽假鹵字爲之孟子作杵杵
亦櫓之音近假借字也

國家無事 六臣本校云善無家字非也

吞二周 吳氏枋宜齋野乘云秦昭王五十一年滅西周後七
年莊襄王滅東周則吞二周乃始皇之曾祖父非始皇也

執敲扑 史記始皇本紀作執捶拊集解徐廣曰一作搞扑索

隱曰賈本論作搞扑

注說文曰敲擊也 今說文敲橫搥也

俛首係頸 六臣本校云頸善作頭蓋傳寫誤

却匈奴七百餘里 金氏姓曰史記劉敬曰匈奴河南白羊樓煩王去長安近者七百里又匈奴傳曰始皇帝使蒙恬擊胡悉收河南地因河爲塞

士不敢彎弓而報怨 史記陳涉世家士下有亦字彎作貫索隱云貫音烏還反又如字謂上弦也朱氏珔曰說文彎持弓關矢也孟子越人關弓而射之本書吳都賦注引作彎弓是彎卽關漢書王嘉傳注關貫也儀禮鄉射禮大射儀不貫不釋注竝云古文貫作關則彎關貫三字皆以音近通用

銷鋒鋦鑄以爲金人十二 注以銷鋒爲鐘鑪金人十二 六臣

本鍤鑄作鑄鍤誤也史記始皇本紀作銷鋒鑄鏃新書鋒作
鏃鏃卽提也按鍤字斷句注中以銷當作銷以鋒鍤二字衍
三輔黃圖云金人坐高三丈其銘曰皇帝二十六年初兼天
下改諸侯爲郡縣一法律同度量大人來見臨洮其長五丈
足跡六尺

以弱天下之民然後踐華爲城因河爲池據億丈之城臨不測
之谿以爲固 史記始皇本紀天下作黔首踐作斬池作津新
書城作高不測之谿作百尺之淵

陳利兵而誰何

注

廣雅曰何問也

說文何一曰誰也史記衛

綰傳景帝不譙呵綰注譙音誰呵音何漢書有誰何卒注誰
與高帝譙讓項羽之譙同何與呵同如今闕城盤詰之例顧
氏炎武曰誰誰同何呵同韓詩室人交徧謹我韓非子王出

而何之焦氏易林鷄鳴犬吠無敢誰者

萬世之業也 六臣本無也字

非有仲尼墨翟之賢 盧氏文弼曰別本新書仲尼作仲弓按荀子常以仲尼子弓並稱子弓蓋卽駢臂子弓也

俛起阡陌之中 漢書陳勝傳俛上有而字史記陳涉世家作

俛仰阡陌之中始皇本紀作倔起什百之中上亦有而字梁

氏玉繩曰什卽仟字誤仟伯阡陌古字通王氏念孫曰阡陌

本作什伯後因而誤作仟伯又誤作阡陌惟秦始皇本紀作

什伯集解引漢書音義曰首出十長百長之中如淳曰時皆

辟屈在十百之中據此則正文及如注皆本作什伯明矣陳

涉世家索隱亦作什伯注云謂十人百人之長也匈奴傳索

隱引續漢書百官志云里魁掌一里百家什主十家五長五

家又引過秦論云俛起什百之中此皆其明證

注俛音免 姜氏皋曰本書文賦在有無而僂俛注引詩僂俛

禮表記俛焉曰有孳孳讀如勉是俛卽勉字

率罷散之卒 六臣本罷散作疲散校云善作罷弊新書作疲

弊此尤本改與史記始皇本紀陳涉世家漢書陳勝傳同

轉而攻秦 史記始皇本紀陳涉世家並作而轉攻秦

天下雲集而響應 六臣本及史記陳涉世家集並作會漢書

新書並作合

且夫天下又非尊於齊楚燕趙韓魏宋衛中山之君也 漢書

無夫字非作不尊作齒無也字六臣本非亦作不

鋤耨棘矜 注棘戟也 王氏念孫曰矜謂之杖棘矜謂伐棘以

爲杖也淮南兵畧篇陳勝伐檮棗而爲矜義與此同伐棘爲

矜卽上文所云斬木爲兵也徐樂傳陳涉起窮巷奮棘矜嚴
安傳陳勝吳廣起窮巷杖棘矜史記淮南厲王傳曰適戍之
衆璣鑿棘矜義並同下文鉤戟長鍛乃始言戟耳

非銛於鉤戰長鍛也 六臣本非作不新書非銛作不敵漢書
同又無也字史記始皇本紀銛作鏃

非抗於九國之師也 六臣本無於字漢書非抗作不抗無也
字史記亦無

功業相反 又致萬乘之權 又百有餘年矣 漢書新書反下有
何也二字史記有也字無致字萬作千漢書無矣字

而攻守之勢異也 陳氏兆崙曰攻字乃取字誤觀下篇自明
非有先生論

非有先生論 文章緣起云傳始於東方朔非有先生傳是以

寓言而謂之傳汪氏師韓曰文選歸之論體不稱傳也

進不能稱往古以廣主意 漢書東方朔傳脫能字廣作厲
竊爲先生不取也 六臣本作竊不爲先生取也漢書作竊不
爲先生取之也

是不忠也寡人將竦意而覽 六臣本是作臣尤本覽作聽

夫談者有悖於目而佛於耳 注字書曰佛違也 漢書無者字

而字佛作拂案學記其求之也佛釋文佛本又作拂禮疏云
戾也與曲禮獻鳥者佛其首解同注引字書作違解與戾義
等又詩佛時仔肩韓詩佛作苐詩苐厥豐草韓詩苐作拂是
佛苐拂三字皆通

或有說於目順於耳 六臣本順上有而字

寡人將覽焉 漢書覽作聽六臣本覽下有于直二字

昔關龍逢深諫於桀而王子比干直言於紂朱氏綬曰列女傳嬖孽傳龍逢進諫曰君無道必亡桀曰日有亡乎曰亡而我亡不聽以爲妖言而殺之又比干諫曰不修先王之典法而用婦言禍至無日紂怒以爲妖言此所謂深諫直言也

注如淳曰漢書注曰陳校去上曰字各本皆衍

戮及先人六臣本校云五臣先作於

遂及飛廉惡來草等三人皆詐僞今漢書無遂字草作輩誤也六臣本及漢書三並作二案良注飛廉善走者其子惡來草多力是以飛廉爲一人惡來草爲一人李注引說苑以費仲惡來草崇侯虎爲四子是以草爲一人故曰三人

陰奉彫琢刻鏤之好

又

宗廟崩弛國家爲墟

又

戮殺賢臣

漢

書彫琢作瑀瑑弛作隳墟作虛殺作放賢臣作聖賢

愉愉煦煦終無益於主上之治卽志士仁人 漢書煦煦作煦

煦師古曰煦煦言語順也六臣本治作理漢書卽作則

將儼然作矜莊又上以拂人主之邪下以損百姓之害 六臣

本無將字漢書莊作嚴無人字王氏念孫曰損當作捐

遂居深山之間 漢書深作家

於是吳王懼然易容 六臣本懼作懼是也按漢書作懼觀李

注與漢書注並音居具切六臣本注音句則作懼無疑

此二子者 漢書子作人

注尸子曰箕子胥餘 書微子正義云徧檢書傳不見箕子之

名惟司馬彪注莊子云箕子名胥餘不知出何書據此則當

出尸子也莊子大宗師釋文亦引尸子云

得賜清讌之間 漢書作得清燕之間師古曰間讀曰閑

太公釣于渭之陽 六臣本渭下有水字

注六韜曰文王卜田史扁爲卜曰于渭之陽將大得焉非熊非

羆非虎非狼 孫氏星衍所輯六韜作文王將田史編布卜

田於渭陽將大得焉非龍非麤非虎非羆

本仁祖誼 漢書誼作義

於是裂地定封 六臣本裂作列何據之校改

世之不絕也 又躬親節儉 又省刑罰 又天下大洽 又囹圄空虛

漢書無之字親字六臣本亦無親字漢書罰作辟治作治

六臣本囹作圜空虛作虛空

惟周之貞 漢書貞作楨何據之校改

四子講德論

注涉始於足 涉當作步下同各本皆誤

注 一單三尺 六臣本單作躍是也

注 廣雅曰遁逃也 六臣本逃作避是也此釋詁文

注 說文曰蚊蠹齧人飛蟲也 今說文蠹字訓云齧人飛蟲重

文收注俗蠹從文又蠹字訓與蠹同

僕雖嚚頑 六臣本嚚頑作頑嚚

陳懇誠於本朝之上 五臣懇作懿良注可證

注 呂氏春秋曰甯戚飯牛車下 又淮南子曰甯越商歌車下

梁氏玉繩曰甯戚始見齊語及管子小匡諸篇而呂覽勿躬篇戚作遨蓋戚有速音故通作遨也亢倉子賢道篇又作籍籍戚音相近也淮南子道應訓誤爲甯越韓子外儲篇誤爲甯武朱氏琦曰此注所引呂氏春秋作戚在舉難篇又直諫篇使甯戚毋忘其飯牛亦同與勿躬篇作遨互異知遨卽戚

也所引淮南子在主術訓仍作戚不作越而道應訓作越者
說文戚戍也斧戍之戍經典多借鉞字爲之而又與越通本
書王元長曲水詩序文鉞碧砮之琛注鉞當爲越也疑戚名
而字鉞又以同音遂爲越耳若過秦論所稱甯越在戰國時
則別是一人矣漢書古今人表甯戚與甯越俱列第三等至
韓子作武殆武威字形相近而誤歟

而以爲親者也 六臣本無也字

注閭嫫子奢 嫫當作嫫今荀子賦篇及七發注引皆是嫫荀

子楊注奢是都字之譌

嫫姆倭傀 注倭傀醜女未詳所見 淮南子修務篇雖粉白黛

黑弗能爲美者嫫母此倭也高誘注嫫母此倭古之醜女廣
雅釋詁此倭醜也豈此倭與倭傀字可通用歟

公輸不能斲 五臣斲作斷銑注不能有所制斷也

衝蒙涉田而能致遠 又夫樂者感人密深 又好惡不形 六臣

本無能字密作心形作刑恐誤

故美玉蘊於砥砭 胡公考異曰砥砭當作武夫注不從石五
臣翰注乃作砥砭各本亂之案山海經會稽之山其下多珎
郭注珎武夫石似玉廣雅釋地亦作武夫也

精練藏於鑛朴 五臣練作鍊朴作璞翰注可證按朴當作樸
注說文曰鑛銅鐵璞也 鑛當作礦璞當作樸今說文礦銅鐵
樸石也惟說文作礦故有礦與鑛同之注

民氓所不能命 又揚君德美 六臣本民作黎德美作美德

寂寥宇宙 六臣本寥作聊注同

注不知老之將至也 今論語也作云爾

書云迪一人使四方若卜筮

注

尙書曰故一人有事四方若卜

筮無不是乎孔安國曰迪道也乎信也

段曰王褒所引蓋今

文尙書之文與古文異事使二字篆體相似李注引孔傳六
字今本無之是其所據本亦不同按段氏謂褒所引君奭之
文爲今文尙書是也至迪乎二字之訓乃李注別引他篇孔
傳以釋其義迪道也見大禹謨乎信也見湯誥原非必屬此
節之傳否則今書本無迪字何從闖入乎段氏以爲所據本
不同殆未然惟李注既不言書有異字而引孔傳連綴於下
文未分晰致混淆耳今尙書事字下有于字無作罔

注

論語子曰君召使擯

本書辨命論注引狐貉之厚以居上

亦題子曰二字案禮記曲禮注引當暑紵絺綌玉藻注引素
衣麕裘又引緇衣羔裘又引黃衣狐裘儀禮既夕疏引表衣

覺裴陸佃禮記解引膾不厭細羅願爾雅翼引不得其醬不食南史顧憲之傳引雖菜羹瓜祭論衡祭意篇引雖疏食菜羹均題孔子曰知古人引鄉黨多此例也

注毛詩周頌曰陳校詩下添序字各本皆脫

且觀大化之淳流又詠歌之不厭六臣本無且字厭作足

注郭璞山海經注曰鱣魚似蛇今山海經無此文惟北山經

湖灌之山其中多鮪郭注亦鱣魚字李所引疑卽此注之脫

文也

願二子措意焉又願二生亦無疑又大夏之材又非一人之畧

也六臣本無焉字疑下有也字畧下無也字五臣夏作厦良

注可證

九合諸侯一匡天下翟氏灝曰公穀以來皆以九合爲實數

自朱子集注據春秋傳展喜糾合諸侯之語始以爲古字通
作糾離騷天問篇齊桓九合諸侯朱子注亦同然朱子以前
俱如字讀管子小匡篇晏子春秋問下篇荀子王霸篇戰國
策齊王斗語又魯連遺燕將書越絕書外傳吳傳韓非子十
過篇呂氏春秋審分覽韓詩外傳六大戴禮保傅篇淮南子
汜論訓說苑尊賢篇新序雜事篇論衡書虛篇中論智行篇
魏武帝短歌行等處俱以九合諸侯一匡天下作偶語而史
記齊世家有桓公自稱寡人兵車之會三乘車之會六九合
諸侯一匡天下云云則九合之爲實數無可疑也

晉文公有咎犯趙衰 六臣本咎作舅案荀子臣道篇晉文咎
犯楊注咎與舅同韓非子呂氏春秋淮南子韓詩外傳史記
亦皆作咎儀禮士昏禮鄭注古文舅皆作咎

楚莊有叔孫子反 六臣本叔孫作孫叔

勾踐有種蠡濞庸 六臣本濞作世何曰卽舌庸也按漢書董

仲舒傳作泄庸舌庸見吳語卽左哀二年傳之洩庸也

是以海內歡慕 又以怠者欲罷不能偃息 偃卽乎詩書之門

游觀乎道德之域咸絜身修思 六臣本歇作勸無偃卽二字

思作德何云或以怠者欲罷不能偃息分句一本無偃卽二

字偃息連下句讀與下游觀二字爲對

省田官 何校田官改宮田胡公考異曰宣紀地節元年假郡

國貧民田三十年詔曰前下詔假公田貸種食公田卽官田

也疑此句當有李注

宰相刻峭 又莫不肌栗懼伏 又百姓征徭 五臣峭作削良注

可證栗作慄征徭作怔忡濟注可證

尙覽柔

又今海內樂業

六臣本尙作上海內作四海

注鳳凰集魯

又邕邕者聲和也

魯下當有郡字者當作音

昔文王應九尾狐而東夷歸周

注

春秋元命苞曰天命文王以

東夷歸周之事

據後魏書徵靈志云高祖太和十年三月

冀州獲九尾狐以獻王者六合一統則周文王時東夷歸之

曰王者不傾於色則至德至鳥獸亦至魏收之志雖非漢以

前書而數語必傳之自古又周書王會解青邱狐九尾孔晁

注青邱海東地名此當是東夷歸周之說必文王時已先入

貢者故郭璞山海經圖讚云青邱奇獸九尾之狐有道翔見

出則銜書作瑞周文以標靈符此可爲證又宋書符瑞志中

云九尾狐文王得之東夷歸焉此則沈約之說較前於魏收

或皆是用子淵語也

周公受秬鬯

注未詳

金氏牲曰書洛誥周公曰俘來玆殷乃

命甯予以秬鬯二卣曰明裡拜手稽首休享論衡儒增篇曰

周時天下太平越裳獻白雉倭人貢鬯草

宣王得白狼而夷狄賓

注未詳

管城碩記云按瑞應圖王者

仁德則白狼見周宣王時白狼見西國滅後魏書徵靈志云

太安三年三月有白狼一見於太平郡議者曰先帝本封之

國而白狼見焉無窮之徵也周宣王得之而犬戎服

今南郡獲白虎

宋書符瑞志漢宣帝元康四年南郡獲白虎

案漢宣紀屢言鳳凰甘露神爵而是年不載獲白虎事

是以前狄賓合五臣合作洽濟注可證尤本據改

先生曰夫匈奴者百蠻之最彊者也六臣本校云先生曰夫

四字善作先生夫子曰五字誤也史記匈奴列傳云匈奴者

其先祖夏后氏之苗裔也居於北梁氏玉繩曰古人單稱夷及蠻爲四裔之通號如追貊北方之國而韓奕之詩曰因時百蠻衛在冀州之域而武公作詩曰用邊蠻方

天性憍蹇習俗傑暴 六臣本憍作驕傑作桀

驚邊抗士 五臣抗作机銳注可證何曰能改齋漫錄作机引杜甫詩對揚机士卒是也胡公攷異曰善不音注者已見上林賦机士卒之精下也尤本作机亦非

單于稱臣而朔賀 六臣本無賀字恐係誤脫

熊齒臬矦 注熊齒未詳 翰注熊齒黑齒也臬矦眼白也金氏

姓曰周書王會解曰黑齒白鹿白馬

未尅殫焉 六臣本尅作克是也此但傳寫誤

卷五十二 王命論

^注王命帝王受命也至復起於今乎胡公攷異曰此下有脫

文必并引既感臨言以及廼著王命論等語各本皆脫

雖其遭遇異時禪代不同至於應天順人其揆一焉六臣本

時作世人作民揆一作一揆漢書叙傳焉作也

^注順乎天應乎人段氏云此傳寫之譌又脫而字

^注事治而百姓安之今孟子而字在事字上

^注善曰世運胡公攷異曰世運當作運世各本皆倒

不知神器有命不可以智力求悲夫此世之所以多亂臣賊子

者也漢書求下有也字無之字劉德曰神器璽也李奇曰帝

王賞罰之柄也師古曰李說是也

思有短褐之襲漢書短作袒襲作襲王氏念孫曰襲與襲不

同字襲親身衣也從衣執聲讀若漏泄之泄襲重衣也字本

作𦘔從衣執聲讀若重疊之疊其執字或在衣中作𦘔轉寫小異耳與𦘔衣之𦘔從執字不同此言短褐之𦘔謂飢寒之人思得短褐以爲重衣非謂親身之𦘔衣也漢紀及文選並作短褐之𦘔李注說文曰𦘔重衣也字林曰𦘔大𦘔反此卽𦘔之借字何以明之說文𦘔重衣也從衣執聲一切經音義十五𦘔徒俠反引通俗文曰重衣曰𦘔宋祁引蕭該音義曰字林曰𦘔重衣也大𦘔反正與李善所引同則𦘔爲𦘔之借字明矣說文以𦘔爲左衽袍以𦘔爲重衣今經史中重衣之字皆作𦘔而𦘔字遂廢惟此一處作𦘔乃古字之僅存者而師古云𦘔謂親身衣也先列反是直不辨𦘔𦘔之爲兩字矣廣韻𦘔在十七薛𦘔在二十六緝𦘔在三十帖𦘔與𦘔聲相近故漢紀文選皆作𦘔若𦘔與𦘔則聲遠不可通矣

檐石之蓄 六臣本毛本檐均作檐胡公攷異曰此所見不同也漢書檐卽檐字或從木見毛詩傳釋文又羣經音辨之木部可證苦寒行檐囊行取新亦用之

注韋昭曰短爲短 曰當作以案方言檐褊其短者謂之短褊說文短豎使布長褊漢書貢禹傳短褐不完師古曰短者謂僅豎所著布長褊也褐毛布之衣也短音豎是也

注惡在爲人父母也 今孟子在下有其字人作民又況么麼不及數子 漢書麼作麼下有尙字鄭氏曰麼作麼

小也晉灼曰此偏麼之麼也錢氏大昕曰說文無麼字而有𦵏字𦵏病也與麼同么言其小麼言其病童謡所稱見一蹇人言欲上天隗囂少病蹇故以是刺之晉說得之王氏念孫曰錢說非也麼之言靡也么麼二字連文俱是微小之意

廣雅紗麼小也紗與么同選注引鵠冠子曰無道之君任用
么麼有道之君任用俊雄又引通俗文曰不長曰么細小曰
麼作磨者古字假借耳么磨不及數子謂磨勇不如信布強
不如梁籍成不如王莽非譏其病蹇也若以磨爲病蹇則上
與么不相比附下與不及數子之文不相連屬矣說文𦓐痛
病也𦓐半枯也此卽今偏枯之病非蹇病也

而欲闡于天位者也 六臣本也作乎漢書作庠

注說文曰桷桷上標 今說文桷屋桷上標也毛本標作梁段

曰靈光殿賦王命論二注皆作梁今案作標爲長標者表也
高也張載注靈光殿賦曰桷方小木爲之桷在桷之上桷者
柱上方木斗又小於桷然後乃抗梁焉是也

注說文曰鵠鼎實也鵠與餽同 鵠當作鵠下同今說文鵠鼎

食从鬲速聲重文餽注云鬲或從食東按易賁公餽馬融注云餽健也說文云陳留謂健爲鬲故曰與餽同

當秦之末豪桀共推陳嬰而王之六臣本末作時桀下有並起二字毛本據添

卒富貴不祥六臣本卒上有今字毛本據添

陵爲宰相封侯又探禍福之機六臣本卒作漢機作幾注道德於此何校德改得陳同各本皆誤

審此二者又用人如由已又趣時如響起又悟成卒之言漢書二作四響起作嚮赴悟作寤六臣本由作用

初劉媪姬高祖而夢與神遇震電晦冥有龍蛇之怪漢書姬作任下有其字師古曰任謂懷任也梁氏玉繩曰太史公作史每采世俗不經之語故於殷紀曰吞卵生契於周紀曰踐

迹生樂於秦紀又曰吞卵生大業於高紀則曰夢神生季一
似帝王豪傑俱產於鬼神異類者蛟龍見於澤上雷電晦冥
劉媪猶夢卧不覺將與土木何殊論衡奇怪篇嘗辨之予因
以考識緯雜說稱伏羲帝嘗感履迹而生神農堯湯感龍神
而生黃帝感大電生少昊感白帝生顓頊感瑤光生舜感大
虹生禹感流星貫昴又吞神珠薏苡生文王母夢大人生孔
子夢黑帝生御覽八十七引世紀豐公妻夢赤馬若龍戲已
而生太公則邠金兩世俱龍種而薄太后生文帝復有蒼龍
據腹之祥王太后生武帝亦有夢曰入懷之兆嗣後生天子
者往往藉怪徵以稽之皆此類也

是以王武感物而折契 漢書契作券

呂后望雲而知所處 六臣本作具

符瑞不同斯度 五臣同作周向注可證

而苟昧權利 漢書昧下有於字王氏念孫曰於字衍以下句

法相同首句多一於字則累於詞矣

注孔子曰不知命無以爲君子 今論語無孔字子下有也字

漢書董仲舒策引與此同惟無作亡

伏斧鉞之謀 漢書斧作鈇

注說文曰覲幸也 今說文覲幸也

貪不可冀無爲二母之所笑 注今本作冀 何校貪上添毋字

爲上去無字漢書毋貪不可幾爲二母之所笑師古曰不可

幾謂不可度幾而望也一說幾讀曰冀

典論論文

下筆不能自休 銑注以武仲下筆不休爲文章之美敬齋古

今雖云魏武帝典論謂班固小傳毅而無所取也下筆不能自休者正斥其文字汗漫無統耳若爲美之辭則固乃推重之也魏文何爲而有小之之言乎

享之千金

注

享亨通也亨或爲享

胡公攷異曰依注則正文

之享當作亨說文亨獻也孝經曰祭則鬼亨之凡亨之屬皆从亨段曰小篆作亨故隸書作亨小篆之變也亨許雨切亨之義訓薦神誠意可通於神故又讀許庚切薦神作亨亦作享飪物作亨亦作烹也是享亨古爲同字耳

注

東觀漢紀曰吳漢入蜀都縱兵大掠城降孩兒老母口萬數

一旦放兵縱火聞之可爲酸鼻家有幣帟享之千金禹宗室子孫故嘗更職何忍行此何校更下添吏字是也按今本東觀

漢紀作下詔讓吳漢副將劉禹曰城降嬰兒老母口以萬數

云云是前有劉禹字而下文禹宗室子孫句始明也

咸以自駟驥駟于千里 三國魏志王粲傳注引以自作自以

驥駟作駟驥按作自以者是也以自恐係誤倒

徐幹時有齊氣然粲之匹也 魏志注引作幹詩有逸氣然非

粲匹也

^注遭我乎猶之間兮 胡公攷異曰六臣本猶作蠟是也姜氏

皋曰猶之應作蠟以此注是引漢書志非引詩改之是已然

上句子之還今漢書志還作營不同詩也胡校亦未詳

至於難以嘲戲 尤本句首有以字於作乎

楊班儔也 魏志注引儔上有之字

不假良史之辭又不以隱約而弗務 六臣本假上無不字弗

作不憚作懼無兩則字

日月逝於上 六臣本校云善逝作遊誤也

斯志士之大痛也 六臣本斯下有亦字無之字

六代論

曹元首 何曰段成式語資篇載元魏尉瑾曰九錫或稱王祭
六代亦言曹植按元首不以文章名世安得宏偉至此意者
陳王感愴孤立常著論欲上以身屬親藩嫌爲已地至身沒
而元首以貽曹爽歟又曰晉書曹志傳武帝嘗閱六代論問
志曰是卿先王所作耶志對曰先王有手所作目錄請歸尋
按還奏曰按錄無此帝曰誰作對曰以臣所聞是臣族父罔
所作以先王文高名著欲令書傳於後是以假託帝謂公卿
曰父子證明足以爲審可無復疑按允恭最稱好學豈有先
王所作必待尋按目錄乃定是非且素知元首假托何不卽

相證明待帝再問耶或緣此論於司馬氏後事有若燭照身
立其延恐招猜忌故遜詞詭對耳按三國魏志武文世王公
傳注引魏氏春秋載此論前有上書云臣聞古之王者必建
同姓以明親親必樹異姓以明賢賢故傳曰庸勲親親昵近
尊賢書曰克明峻德以親九族詩曰懷德惟寧宗子惟城由
是觀之非賢無與興功非親無與輔治夫親親之道專用則
其漸也微弱賢賢之道偏任則其弊也劫奪先聖知其然也
故博求親疏而並用之近則有宗盟藩衛之固遠則有仁賢
輔弼之助盛則有與共其治衰則有與守其土安則有與享
其福危則有與同其禍夫然故能有其國家保其社稷歷紀
長久本枝百世也今魏尊尊之法雖明親親之道未備詩不
云乎鵲鵲在原兄弟急難以斯言之明兄弟相救於喪亂之

際同心於憂禍之間雖有閔牆之忿不忘禦侮之事何則憂患同也今則不然或任而不重或釋而不任一旦疆場稱警關門反拒股肱不扶腹心無衛臣竊惟此寢不安席思獻丹誠貢策朱闕謹撰合所聞叙論成敗云應採附注中

昔夏殷周之歷世數十 六臣本及魏志注並無之字

暨乎戰國 又救於滅亡 魏志注乎作於救於作憂懼

四十餘年 何陳校四並改三注同胡公攷異曰魏志注亦作

四蓋誤善引漢書諸侯王表爲注彼文作三師古曰三十五年按周赧王五十九年卒徐廣曰乙巳也自此歲至始皇二十六年庚辰始并天下中間固三十五年海內無主然東周之滅在秦莊襄王元年史公當日何不取此七年以繫王統乎若大事記則直以秦昭王五十二年繼周恐非也

騁詭詐之術 六臣本騁作馳

注是謂深根固蒂 老子治人事天章蒂作抵釋文云抵亦作

知老子本文自不作蒂也

注君臣無立錐之土 魏志注土作地

注秦竊自號謂始皇 何校謂改爲後所引同

豈不悖哉 六臣本悖作勃

千有餘歲 六臣本歲作人 魏志注作城胡公攷異曰元首此

文出於史記秦始皇本紀彼作歲又孝文本紀古者殷周有

國治安皆千餘歲漢書作皆且千歲蓋當時語自如此

至身死之日 六臣本及魏志注至下有以字

至令趙高之徒 又胡亥少習尅薄之教 又士有常 六臣本令

文選初登 六臣本令

作命尅作刻魏志注亦作令作刻尤本土誤作土

而成帝業又未有若漢祖之易者也魏志注而作遂無者字

注權秉卽柄字也陳校秉下添也秉二字各本皆脫按左哀

十七年傳國子實執齊秉服虔注曰秉權柄也見嚴氏蔚左

傳古注輯存

而天下所以不能傾動六臣本及魏志注並無能字

授命於內又大者踰州並城魏志注授作愛城作郡

猥用朝錯之計六臣本及魏志注朝作晁

踈者震恐又兆發高祖爨成文景六臣本恐作怒魏志注祖

作帝成作鍾

下推恩之命六臣本及魏志注命並作令

注漢儀注王子爲侯侯歲以戶口酎黃金於漢殿至色惡者王

削縣 案此與漢書武帝紀如淳注三輔黃圖引同今本漢舊

儀咸字上有王字金字下有獻字削縣作奪戶

至乎哀平 六臣本及魏志注乎並作于

解印釋綬 魏志注綬作紱

徒以權輕勢弱 又豈非宗子之力耶 又而身無所安處 六臣

本及魏志注並無以字魏志注耶作也六臣本無所字

大魏之興于今二十有四年矣 何曰據此則此論當齊王芳

正始四年上也又六年爲嘉平元年曹爽誅滅魏祚遂移

而不改其轍迹 又爲萬代之業也 又備萬一之慮也 魏志注

其作於慮作虞六臣本及魏注並無於字

必置於百人之下 六臣本及魏注並無於字

扶之者衆也 魏志注句首有以字六臣本扶作仆

何暇繁育哉又危急將如之何是以聖王安而不逸
魏志注
何暇上有而字如作若尤本脫以字

博奕論

注說文曰博局戲也段校博改簿

蓋君子六臣本蓋下有聞字三國吳志常曜傳亦有
而懼名稱之不建也六臣本建作達吳志作立

勉精厲操吳志勉上有故字

經之以歲月累之以日力六臣本無歲月累之以五字

注請以十五歲今呂氏春秋博志篇脫五字

愿觀古今功名之士皆有積累殊異之迹又勞神苦體又平居

不惰其業吳志今下有立字積累作累積神作身惰作墮六

臣本亦作墮下同

而吳漢不離公門 六臣本無而字

好翫博奕又神迷體倦 六臣本翫作習吳志神迷作心勞

注中計塞城舉 城當作成各本皆誤

求之於戰陣又而何暇博奕之足耽又貞純之名章也 六臣

本無於字六臣本及吳志無暇字章作彰

百世之良遇也又乃君子之上務 六臣本無也字乃字

枯碁三百孰與萬人之將注邯鄲淳藝經曰碁局縱橫各十七

道合二百八十九道白黑碁子各一百五十枚 沈括筆談云

奕碁古用十七道與後世法不同今世碁局縱橫各十九道

未詳何人所加錢氏大昕云嘗見宋李逸民忘憂清樂集碁

譜首載孫策賜呂範晉武帝賜王武子兩局皆十九道疑是

後人假托按藝文類聚七十四晉蔡洪圍棋賦云算塗授卒

文選旁證卷四十二

三

三百惟羣是晉時棋局猶未加也

注貿易之也 胡公攷異曰之字不當有各本皆衍

文選旁證卷第四十三

長樂梁章鉅撰

卷五十三 養生論

注著養生篇 何曰晉書阮种傳云弱冠爲嵇康所重著養生

論所稱阮生卽种也今此文無之殆不止一篇按隋書經籍

志注養生論三卷嵇康撰亡野客叢書稱賀方回家所藏嵇

康集十卷有養生論又有與向子期論養生難答一篇而此

題注作養生編則義門所謂不止一篇者非無據矣

莫非妖妄者 又請試粗論之 六臣本妖作天無請字藝文類

聚七十五引作粗試論之

夫神仙雖不目見 六臣本不目作目不

雖終歸焦爛 六臣本歸下有於字是也毛本誤除之

此天下之通稱也 六臣本無之字

可百餘斛 六臣本校云斛下善有也字野客叢書云安有一
畝收百斛之理漢史書斗字爲斛因而誤斛耳姜氏臯曰按
注言畝爲區三千七百區收粟三升若以今百升爲石計之
是且得百一十一石也北齊童謠百升飛上天爲斛律光而
作因知齊時尙以百升爲斛漢書成帝紀如淳注云中有二
千石月得百八十斛一歲凡得二千一百六十石真二千石
月得百五十斛一歲凡得一千八百石二千石月得百二十
斛一歲凡得一千四百四十石又古時一斛卽一石之證沈
存中筆談云漢之一斛當今二斗七升珊瑚鉤詩話云劉仲
原得銅斛二其一始元四年造其一甘露元年造皆云容十
斗後刻云重四十斤以今權量較之容三升重十五斤而已

然則所謂百餘斛者今之三十石耳故徐光啓農政全書亦云用伊尹區田之法一畝歲獲三十六石也

注經方小品 陳延之撰舊唐書作小品方

合歡蠲忿萱草忘憂 此二語注引神農本草今本草云合歡味甘平安五臟和心志令人歡樂無憂久服輕身明目生益州也古今注以爲嵇康植之舍前或因此文而附會又注云萱草今之鹿葱案藝文類聚八十一鹿葱風土記曰宜男草也懷妊婦人佩之必生男然魏曹植有宜男花頌晉傅元夏侯湛有賦齊沈約梁元武有詩無一語及於忘憂者惟初學記二十七梁徐勉萱草花賦云亦曰宜男嘉名斯吉李石續博物志亦云萱草一名鹿葱花名宜男或是一物也愚智所共知也 六臣本校云五臣無共字

大蒜勿食 六臣本勿作多是也

齒居晉而黃注齒黃未詳 余曰埤雅四云噉聚令人齒黃爾

雅翼晉人尤好食棗久之齒皆黃今案陸佃羅願所云正出於嵇論而余以補李注之未詳可乎

而外內受敵 六臣本外內作內外

爲病之始也 六臣本句首有而字爲下有受字尤本據添

縱聞養生之事 六臣本生作性

欲坐望顯報者 六臣本欲上有而字

內懷猶豫 曲禮定猶與正義云說文猶攷屬豫象屬此二獸

皆進退多疑惑者此以兩獸對說此注引尸子以釋豫又引

說文以釋猶亦是對說爾雅釋獸有猶無豫顏氏家訓猶獸

名也既聞人聲乃豫緣木如此上下故稱豫師古注漢書高

后紀同卽本誓洛神賦注亦云猶獸多豫狐獸多疑此皆從一獸合說離騷心猶豫而狐疑王逸注但曰中心狐疑猶豫九歌君不行兮夷猶王注但曰夷猶猶豫也老子豫兮若冬涉川猶兮若畏四鄰釋文豫如字本或作悞猶無注是則不從獸解王觀國學林云後漢書馬援傳計允豫未決廣韻允豫不定也以此觀之猶似非獸蓋猶獸允三字通用豫預與三字通用也

注猶如鹿 陳校鹿改麕各本皆誤

難以目識 六臣本目作目

注 論語桀溺曰滔滔者天下皆是也 六臣本滔滔作悠悠是也此引以釋正文悠悠若作滔滔不相應矣

神氣以醇白獨著 五臣白作泊向注可證

恕可與羨門比壽 世說新語注引恕作庶

注恕人心度物也 人當作以

運命論

注春秋元命苞曰命者天下之命也 下字不當有本誓長楊

賦注燕城賦注辨命論注引並無下字

注墨子曰貧富治亂固有天命 今墨子非儒篇云壽夭貧富

安危治亂固有天命

誦三畧之說 黃石公三畧始見隋志今本三卷則鄭瑗并觀

瑣言以剽竊老氏譏之惟明劉寅三畧直解以爲真出自太

公至黃石公始授子房而本書三國名臣贊序三畧既陳注

則取龐士元之上中下三計云云而不及黃石公事

注亦然 又知非遇也 又非加益也 胡公攷異曰亦上當有治

字遇當作愚非上當有知字此引呂氏春秋處方篇文

以游於羣雄其言也如以水投石莫之受也及其遭漢祖也其言也如以石投水莫之逆也 六臣本校云善本無此一畧及

注漢書至不省二十五字按李不應無本書石闕銘計如投水注引此論可證

注漢書張良無說陳涉今此言之未詳其本也 按史記留侯

世家云陳涉等起兵良亦聚少年百餘人景駒自立爲楚假王在留良欲從之而陳涉已起於大澤鄉良居下邳地不甚違當日報韓心切或有干說之事而史不能詳矣

注過婦人 陳校過改遇各本皆誤

以文命者七九而衰以武興者六八而謀 翰注文王受命九十七而終武王伐紂之時年八十六衰謂文王沒也謀謂武

王謀伐紂也九十七當言九七而言七九八十六當言八六而言六八蓋言之倒李注但言七世九世六世八世說亦近

鑿林先生曰七九六八皆言數也合之卽卜世三十

注靈景周之末王也六臣本作靈景周之王者末者也尤本

無上者字恐皆有衍誤

注冉求字子有 何曰冉謂仲弓非子有也

注史記曰洙泗之間閭閻如也 今史記魯世家閭閻作斷斷

索隱作相讓解是徐廣以爭辨釋之非朱氏珔曰說文斷齒本肉也斷斷蓋卽閭閻之同音假借字故此處直作閭閻漢書地理志魯濱洙泗之間其民涉渡幼者扶老而代其任俗既薄長老不自安與少者相讓故曰斷斷如也徐廣引之以爲斷斷是鬥爭之貌然漢志旣云相讓則不得謂鬥爭不如

索隱讀如論語閭閻如也爲得之索隱又云劬諷生作斷斷如尙書讀則爲專之義是亦一解又按索隱引繁欽遂行賦云涉洙泗而飲馬恥少長之斷斷義亦從漢志蓋但謂魯在洙泗之間者非屬聖門若此論上文云維仲尼至聖顏冉大賢則直指聖人之徒故其說不同李康爲魏明帝時人在繁欽稍後是以斷斷爲閭閻自康始也

體二希聖 銑注孟孫二子體法顏冉故云體二按郝經讀季漢書引作體仁希聖

注 希聖之馬 六臣本希作希下同胡公攷異曰正文作希注希望也亦仍作希似希字依法言改之也

而不可援 六臣本句末有也字

而屈厄於陳蔡 六臣本屈厄作受屈

注人雖自絕也 今義疏本亦有也字雖下當有欲字

雖造門猶有不得賓者焉 六臣本無雖造門三字

升堂而未入於室者也 六臣本無於字

而後之君子 六臣本之作世毛本從之

不亂於濁 又不傷於清 六臣本亂作辭於並作其

而歷謫議於當時 六臣本校云善謫議作誹謫恐誤

不微而自遇矣 注不微自遇 六臣本微作邀注同

蘧蔭戚施之人 注蘧蔭不鮮 按詩新臺蘧蔭从竹不從草晉

語蘧蔭不可使俛同方言說文皆作竹席解故從竹段氏玉

裁謂不可使俯者捲蘧蔭而整之其物亦不可俯故詩以言

醜惡爾雅以名口柔也然漢書敘傳舅氏蘧蔭从草師古注

蘧蔭口柔觀人顏色而爲辭佞者也亦从草古或通用

淫其聲色 六臣本色作也非

脉脉然 五臣脉脉作脈脈銑注可證

注爾雅曰脉相視也 胡公攷異曰視字不當有本書魯靈光

殿賦注古詩十九首注皆衍

蓋知伍子胥之屬鏹於吳 六臣本屬作鏹

注是蔡吳也 六臣本也下有夫字是也

注以說其國 其當依左傳作于

注諸子欲厚葬湯母曰 六臣本毛本重湯字是也

蓋笑蕭望之跋躡於前 之下當更有之字各本皆脫

注載躡其尾 姜氏舉曰今詩躡作蹙王伯厚詩攷云說文引

詩作躡也蓋說文躡踰也爾雅釋言及毛傳曰蹙踰也是蹙

躡音義皆通新唐書韓愈傳以進學解之跋前蹙後爲躡後

容齋五筆譏之謂韓公用狼跋詩語非蹟也是未深攷

注道病死 毛本作在道而死按此係良注語良注又云石顯

病死而言絞縊者誤也則又似李注語蓋為六臣本所並

注民無得而稱焉 今論語季氏得作德其在上論泰伯民無

得而稱焉則作得釋文云本亦作德是得德古通用

則執杓而飲河者 六臣本河下有水字

注桓公新論曰 何校公改譚陳同各本皆誤

賞罰懸乎天道 六臣本賞作災

褰裳而涉汶陽之邱矣 毛本褰誤作蹇注引毛詩亦誤

椎紒 注紒即髻字也 又扱衽 六臣本紒作髻扱作插

注而眾星拱之 論語釋文云共鄭本作拱按孟子盡心篇注
呂氏春秋有始覽注引並作拱

璣旋輪轉 六臣本旋作璇胡公攷異曰璣當作機作機旋李
本也作璣璇五臣本也尤本正文旋不誤注二璇字亦當作
旋姜氏皋曰書正義及史記索隱引馬融云璿美玉也璣渾
天儀可轉旋故曰璣衡其中橫筭以璿爲璣以玉爲衡所以
貴天也尙書大傳云璇者還也機者幾也微也其變幾微而
所動者大謂璇機鄭元注曰渾儀中筭爲旋璣也參詳諸家
之說機之在渾儀者故謂之璣耳璣故旋者也璣旋二字之
所始不得不本之於書李故引書復以馬鄭釋經者明之也
是正文未必不作璣亦莫必五臣之改李也

注言傳其所以順天下之謀 六臣本尤本以順作順以誤

昔吾先友 銑注老子康之先也與孔子同志爲友故云

辨亡論上

皇綱弛紊 晉書陸機傳紊作頓

於是羣雄蜂駭 六臣本及晉書蜂並作鋒

注北至南陽 六臣本北作比是也

飈起之師跨邑 又熊羆之眾霧集雖兵以義合 晉書飈作焱

下望飈句同眾作族集作合合作動三國吳志孫皓傳注眾亦作族

哮闕之羣風驅 注闕如號虎 按說文虎部號虎鳴也口部號

虎聲也讀若蒿哮豕驚聲也玉篇哮號同呼交切一切經音

義二引通俗文曰虎聲謂之哮號是以本書七啓注哮與號

同也風俗通正失篇引詩已作闕如哮虎

未有如此其著者也 六臣本有作見

注陳忠曰 何校陳政闕陳同各本皆誤

飾法修師則威德翕赫 晉書飾作飭吳志注則作而
而張昭爲之雄 晉書昭作公是也蓋當時避晉諱後人復改
爲昭下同其下篇高張公之德則改之未盡者耳
而江東蓋多士矣 六臣本及晉書並無而字

旋皇興於夷庚 困學紀聞云左氏成十六年傳披其地以塞
夷庚正義謂平道也二字出於此

反帝座乎紫闥 晉書座作坐乎作於吳志注亦作於

以奇蹤襲於逸軌獻心因於令圖 又而加之以篤固 晉書無

兩於字固作敬六臣本下於字作乎吳志注因於作發乎

注班固王命論曰 何校固改彪陳同各本皆誤

旌命交於塗巷 六臣本於作乎

志士希光而景驚異人輻湊 晉書希作晞湊作輳

周瑜陸公

翰注陸公謂陸遜機之祖故不言名

出作股肱

晉書作作爲

以名聲光國

吳志注名聲作聲名

張溫以諷議舉正

晉書脫張溫二字諷議作風義

以機祥協德

六臣本機誤作機

注孫權以爲車騎將軍

陳校此下添主簿二字各本皆脫

注往濡須口

陳校往改住是也各本皆誤

謀無遺謂

吳志注謂作筭晉書作計

注公孫獲曰

陳校獲改獲各本皆誤

魏氏嘗藉戰勝之威

六臣本及吳志注嘗並作常

浮鄧塞之舟下漢陰之眾

余曰郡縣志鄧塞故城在襄州臨

漢縣東南二十二里南臨宛水阻一小山號曰鄧塞昔魏嘗

魏營於此襲泊舟艦以伐吳陸士衡表稱下江漢之卒浮鄧
塞之舟謂此也

銳騎千旅又謨臣盈室晉書騎作師吳志注謨作謀

而陸公亦挫之西陵吳志注晉書而下並有我字

喪氣挫鋒吳志注挫作摧

而吳莞然六臣本及吳志注莞並作寬論語釋文亦作寬

西屠庸益之郊晉書屠作界恐誤西屠與北裂爲偶句也

東包百越之地南括羣蠻之表史記東越列傳閩越王無諸

及越東海王搖者其先皆越王句踐之後也蓋閩越卽今閩

地東越卽今永嘉等縣顧氏祖禹曰臨海郡吳太平二年分

會稽東部都尉置建安郡吳永安三年分會稽南部都尉置

東陽郡吳寶鼎中分會稽郡置洪氏亮吉日吳會稽郡領縣

十臨海郡領縣七建安郡領縣九東陽郡領縣九大約皆百越之境羣蠻當指交廣二州晉志云吳黃初二年分交州之南海蒼梧鬱林高涼四郡立爲廣州俄復舊永安七年復分交州置廣州云

注賈誼過秦曰曰字上當有論字

虎臣毅卒晉書虎作武避唐諱

注晉人使子貢何校賈改員陳同各本皆誤

耀於內府六臣本及漢志注耀並作輝

珍瑰重迹而至注羽檄重積而狎至毛本瑰作貴誤何校積

改迹陳同各本皆誤

注字畧作輶樓也胡公攷異曰樓下當有車字姜氏舉曰說

文輶陷敵車也大雅與爾臨衝傳曰衝衝車也釋文引說文

作輦左定八年傳主人焚衝釋文引同後漢光武紀注曰衝輦車也諸書釋訓如此未嘗言樓惟光武紀衝輦撞城章懷注引許慎曰輦樓車也此註字畧云者亦當有脫誤

齊民免干戈之患 晉書齊民作黎庶避唐諱

尙書曰尙有典型毛詩曰 何校尙書改毛詩毛詩改又字陳同各本皆誤

注皆指事不飾忠懇 何校據吳志忠懇下增內發二字

注子不聞周舍之諤諤 胡公攷異曰子字當去各本皆衍

離斐 六臣本及吳志注晉書並作鍾離斐按李注離斐引吳

志黎斐而云黎與離音相近是一人則不得有鍾字明矣

樓元 注孫皓遂用元爲宮下錄事 六臣本樓作斐非也吳志

有樓元傳不作斐毛本用上脫遂字陳曰錄事當作鎮是也

此吳志樓元傳文各本皆誤

賀劭之屬

六臣本晉書劭並作邵是也吳志有賀邵傳

股肱猶存

六臣本及吳志注晉書存並作良

然後黔首有瓦解之志

六臣本及晉書志並作患

卒散於陣民奔於邑

晉書民作眾六臣本無此二句

非有工輪雲梯之械

何校工改公陳同胡公攷異曰晉書及

吳志注皆是工字疑士衡謂之工輪未當輒改也

注王濬鼓入於石頭

陳校鼓下添譟字各本皆脫

注張悌字臣先

何校臣改巨陳同各本皆誤

險阻之利

六臣本險阻作阻險

注說文曰詭變也

胡公攷異曰詭當作詭此引心部文

辨亡論下

而奄交廣 六臣本奄作掩吳志注作有晉書作掩有

其民怨矣 六臣本及晉書並無矣字

劉公因險以飾智 又其俗陋矣 六臣本及吳志注並無以字

吳志注及晉書公並作翁六臣本及晉書並無矣字

夫吳桓王基之以武 吳志注及晉書並無夫字

懿度宏遠矣 六臣本及吳志注宏並作深

其求賢如不及 晉書不作弗

注使親近以巾拭面 六臣本使作便無親字拭下有其字按

渚宮舊事引吳志注作以手巾拭其面

注船載糧具俱辦 又爲軍後援也 陳校云載字衍糧下添戰

字軍敗卿各本皆有誤脫

卑官非食 六臣本食下有貪字非也

以豐功臣之賞又以納謨士之算六臣本晉書無兩以字

士變蒙險而致命六臣本及吳志注晉書致並作效

高張公之德孫氏志祖曰上篇兩稱張昭此竟與其祖遜父
抗一例者吳志注江表傳曰孫權於羣臣多呼其字惟呼張
昭曰張公士衡之稱或卽因此按上篇兩昭晉書皆作公此
仍是避晉諱後人追改未盡者耳

注諸葛瑾事未詳俟考

歸魯子之功吳志注魯子作魯肅是也與前篇魯肅呂蒙之
疇及本篇魯肅一面而自託句一例

削投惡言晉書惡作怨誤也金氏姓曰左傳宋左師請賞公
與之邑六十以示子罕子罕削而投之又漢書朱博傳曰投
刃使削所記遣出就職

是以忠臣競盡其謀 六臣本及吳志注謨並作謀

初都建業 又百度之缺粗脩 晉書業作鄴百上有故字六臣

本粗作粗脩作精按注云粗古粗字則正文應作粗

雖釀化懿綱 六臣本及吳志注綱並作綱翰注同

抑其體國經邦之具 六臣本及吳志注邦並作民

注幾音基近也 胡公攷異曰近也二字當在音基之上

其器利其財豐 吳志注作其財豐其器利

未巨有宏於茲者矣 吳志注巨作見非也晉書亦作巨巨與

遠古字通未巨卽未遠耳晉書矣作也

借使中才守之以道 晉書無中才二字

善人御之有術 晉書無善人二字有作以

注不踐跡 今論語跡作迹釋文云本亦作迹三國志司馬朗

傳注同說文繫傳引作銜跡

敦率遺典又則可以長世永年未有危亡之患也 吳志注典

作憲無也字六臣本無以字也字

或曰吳蜀唇齒之國蜀滅則亡吳又何則其郊境之接 晉書

國下有也字蜀上有夫字無則字又無何則二字

公以四瀆 吳志注公上有陸字六臣本無公字

憑寶城以延強寇 吳志注寶作保胡公攷異曰保城與資幣

偶句蓋保卽今之堡字翰注寶猶堅也文義殊爲不安

重資幣以誘羣蠻 晉書重資作資重

北據東阮 焦氏竑筆乘云甘泉賦陳衆軍於東阮辨亡論陸

公偏師三萬北據東阮注東阮東海也說文阮園也虛璽也

按甘泉賦注如淳有東阮東海之釋而此論之注明云東阮

在西陵兩者不得混而一之也姜氏皋曰汝南先賢傳周燮有先人草廬在於東阮其下有陂魚蚌生焉此當卽西陵之東阮益可證其非東海矣

注步闢城又陸抗所築之城水經江水注云江水出峽流逕

故城洲上有故城城周五里吳西陵督步騭所築也孫皓鳳凰元年騭息闡復爲西陵督據此城降晉晉遣太傅羊祜接援未至爲陸抗所陷也江水又東逕故城北所謂陸抗城也城卽山爲墉四面天險

分命銳師五千吳志注五作三

注因部分諸軍吳彥等何校吳改晉陳同各本皆誤

言守險之由人也晉書由作在

夫四州之萌又先政之策易循也又功不興而禍遘者哉六

臣本及吳志注萌作氓吳志注策作業晉書循作修無者字
六臣本亦無者字

是故先王達經國之長規又謙己以安百姓又寬冲以誘俊
之謀 吳志注及晉書並無是字吳志注謙作恭六臣本又誤
作人

危與下共患 吳志注及晉書共並作同

注見麥秀之漸漸 今尙書大傳漸作薪盧氏文昭考異亦作

薪按能改齋漫錄云李注七發麥秀薪今雖朝飛引宋玉笛

賦麥秀薪今鳥華翼非也予按尙書大傳微子將朝周過殷

之故墟見麥秀之薪薪今禾黍之蠅蠅也曰故父母之國也

云云謂之麥秀之歌歌曰麥秀漸漸今黍油油彼狡童兮不

我好仇宋玉賦蓋亦本此惟大傳序與歌薪漸不同觀此知

宋時文選大傳傳寫已不同此作漸更傳寫之岐出矣

卷五十四 五等論

夫體國經野 六臣本經野作營治恐誤

郡縣之制創自秦漢 趙氏翼曰田汝成謂郡縣不始於秦引
左傳晉分祁氏之田爲七縣羊舌氏之田爲三縣事在周敬
王八年此蓋據秦孝公用商鞅變法集小鄉邑聚爲縣及秦
並天下置三十六郡以爲秦置郡縣之始故在敬王後也不
知四甸爲縣四縣爲都及五鄙爲縣之制見於周禮則置縣
本自周始蓋係王畿千里內之制而未及於侯國若侯國之
置縣則實自秦始皇史記秦武公十年伐邽冀戎初縣之十一
年初縣杜鄭攷秦武公十年乃周莊王九年魯莊公六年其
事在敬王前一百七十八年則列國之置縣莫先於此國語

晉惠公許賂秦穆公以河外列城五曰君實有郡縣其時列國未有此名而秦先有之尤爲明證

創自秦漢 晉書陸機傳自作於

夫先王知帝業至重天下至曠 晉書先王作王者曠作廣下兩曠字同

並建五長 晉書五作伍毛本建作立

財其親疎之宜注裁與財古字通 晉書財作裁注而獨斯畏 何校而改無陳同各本皆誤

爲己在乎利人 晉書在作存

不如利而後利之之利也 六臣本及晉書並不重之字按今荀子富國篇重之字與此合又六臣本無也字亦誤脫

而已得與之同憂 晉書而作則憂作愛朱氏琯曰此言同樂

者乃可與同憂語取反對方與下偶句襲天下以豐利而我
得與之共害爲一例若作愛則非共義矣

而我得與之共害又利博則恩篤晉書我作已則作而

注所以博利博義也利博義博則無敵也今呂氏春秋慎勢

篇作所以博義義博利則無敵與此異

萬國受世及之祚矣六臣本無矣字晉書世及作傳世

各務其治九服之民又下之體信世治足以敦風晉書其

治作其政避唐諱體作禮世治作世平亦避唐諱

雄俊之士又由萬邦之思治六臣本土作民晉書作人治作

化皆避唐諱餘同此不悉具

三代所以直道六臣本及晉書句首並有蓋字

愿法期於必涼五臣涼作諒良注可証晉書亦作諒

昔者成湯

又

故五等之禮

又有隆焉爾者

晉書無者字焉

字

故作然六臣本禮作體

是以經始權其多福

又

郡縣非政治之具也

晉書權作獲六

臣本及晉書並無也字晉書政治作興化

及承徵積弊

六臣本作及承積其弊

豈非置勢使之然歟

晉書置作事

國慶獨饗其利

六臣本校云獨善作猶

忘萬國之大德

六臣本萬作經非也

借使秦人因循周制

又有與共弊獲滅之禍

晉書周作其弊

作亡六臣本覆上有而字

大啓侯王

又

朝錯痛其亂

又

阻其國家之富

又

憑其士民之力

晉書侯王作王侯朝作晁阻作岨民作庶

六臣犯其弱網

法

誼言八而機言六者貫高非五等盧綰亡入

匈奴故不數之

向注六臣謂燕王臧荼韓王信淮陰侯韓信

梁王彭越淮南王黥布燕王盧綰林先生曰善注引賈疏原
止七人又不數貫高盧綰則僅五人陳玉陽所譏臧荼貫高之
不封而不惜陳稀無土黥盧綰之大虜而乃遺韓信亡胡反
始臧荼豈容獨置文殊賈陸何必參同云云深中其失向注
得之姜氏舉曰賈誼傳原言八人有不反之長沙所云功少
而最完勢疏而最忠是也機言六人者除長沙外貫高非列
侯耳高紀云稀嘗爲吾使甚有信代地吾所急故封稀爲列
侯以相國守代功臣表陽夏侯陳稀七年正月丙午封似不
得云陳稀無土當如賈說不數長沙貫高則適得六人

皇祖夷於黥徒

六臣本晉書黥並作黔金氏姓曰文選誤作

黔故注云黔當爲黔後人依之校正本文作黔而注中黔黔二字反顛倒耳按金說是也李注以爲黔首字當作黔徒字若倒轉不可通耳

注史記曰荆王劉賈者至蓋別有所見六臣本無此五十九字金氏姓曰高祖征黔布被創行道病甚而崩所謂皇祖夷於黔徒也此注復牽入被殺之劉賈遂以稱兄稱祖爲疑自生枝節無謂之甚胡公攷異曰無此最是

注然黔當爲黔黔黔二字顛倒說見上

不忌萬邦晉書邦作國

喪喪家之宿疾六臣本疾誤作侯

姦軌充斥又則城池白夷晉書軌作允則作而

注縱恣意陳校縱下添橫字各本皆脫

注我實能使狄 胡公攷異曰能字不當有各本皆衍

鉦輦震於閭宇 又天下晏然以治待亂 晉書鉦作征治作安

亂作危毛本天上添方字誤

是以宣王興於共和 六臣本宣王作厲宣案史記以共和爲

周召行政之號年表且以共和紀元國語韋注左傳孔疏劉

知幾史通通鑑稽古錄劉恕外紀金履祥前編皆宗其說梁

氏玉繩曰左昭二十六年傳厲王戾虐萬民弗忍流王於彘

諸侯釋位以間王政宣王有志而後效官知厲宣之間諸侯

有代王行政者然周召本王朝卿士倘果攝天子之事不可

釋位別立名稱若後世之年號故師古注人表以史記之說

爲無據也攷竹書紀年莊子讓王篇呂氏春秋開春篇及索

隱引世紀義引魯連子並以共和爲共伯和共國伯爵和

其名人表厲王後有共伯和共地近衛卽漢河內郡之共縣
周時謂之共頭呂氏春秋誠廉篇盟微子于共頭之下是已
蓋厲王流毓諸侯皆宗共伯若霸主其時宣王尙幼匿不敢
出周召居守京師輔導太子及汾王沒太子年亦加長共伯
乃率諸侯會周召而立之則凡言共伯至周攝政者甚至干
位篡立盡屬不經之談爾竊疑史公以共和紀元大違春秋
天王出居公在乾侯之義有不可解者歐陽公春秋論有伊
尹周公共和之臣嘗辨矣不聞商周之人謂之王也此足定
載筆之失按水經清水注云共縣故城卽共和之故國也共
伯旣歸帝政逍遙於共山之上與沈約竹書紀年注和有至
德尊之不喜廢之不怒逍遙得志于共山之首云云相合陸
德明釋文司馬彪莊子注並云共伯名和修其行好賢人諸

侯皆以爲賢是也

孽臣朝入而九服夕亂哉 晉書孽作嬖無而字

注子盍亦遠續禹功 六臣本尤本續作績是也與左昭元年

傳合本書三國名臣序贊注引亦誤作續

中人變節 晉書中作忠恐誤

無救劫弑之禍 六臣本及晉書弑並作殺

民望未改 晉書民作衆下而安民之譽遲民作人

皆以官方庸能 又故郡縣易以爲治 晉書皆下無以字治作

政下爲已思治並賢居治同

百虔自悖 又貪殘之萌 六臣本悖作勃萌作氓

皆羣后也 又爲利圖物 又良士之所希及 晉書皆下有如字

利作吏恐誤無之字

官長所夙夜也 六臣本無也字晉書夜作慕

然則八代之制 六臣本則下有採字非也晉書無

殆可以一言蔽矣 晉書矣作也

辨命論

注峻字孝標辨命論蓋以自喻云 六臣本無峻字二字是也

梁書作乃著命論以寄其懷

故謹述天旨因言其致云爾 梁書劉峻傳天旨作大目致作

畧無爾字六臣本亦無爾字

注郭璞曰孫子荆 胡公攷異曰此有誤也璞疑當作子郭子

三卷在隋志小說按晉書孫楚列傳楚與同郡王濟友善濟

本州大中正訪問銓邑人品狀至楚濟曰此人非卿所能目

晉自爲之乃狀楚曰天才英博亮拔不羣云較此尤詳楚字

子荆濟字武子正此事也郭景純後死於孫王四十餘年固
可及紀其事然本傳未云曾著雜史等書惟本書每引郭頌

魏晉世說此注疑亦引郭頌語於情事較近也
實海內之名傑豈日者卜視之流乎 梁書名作髦無乎字

然則高才而無貴仕 六臣本無則字

至於鵬冠甕牖 五臣鵬作褐向注可證梁書亦作褐

必以懸天有期 梁書懸作元恐有誤

注左傳閔子騫曰 騫當作馬各本皆誤

異端斯起 梁書斯作俱

夫道生萬物 六臣本無夫道二字尤本及梁書道並作通

墜之淵泉非其怒 六臣本淵泉作深淵

一化而不易化而不易 梁書脫化而不易四字

文公躡其尾 六臣本毛本躡作蹻姜氏舉曰說文無躡字以

蹻作蹻說見前

夷叔斃淑媛之言 夷叔之稱又見三國志郤正傳王昶傳劉

虞傳注晉書羊祜傳風俗通正失篇魏明帝步出夏門行陶

潛飲酒詩戴逵釋疑論

見廣宏明集

注然子與孟子之字也 趙岐孟子注云字則未聞史記孟荀

列傳亦不載孟子字漢書藝文志師古注始引聖證論曰字

子車太平御覽三百六十三亦引聖證論作子居謂孟子少

居坎軻故名軻字子居而師古急就篇注及廣韻軻字註又

均作子居孔叢子雜訓則云孟子車注一作子居惟此注引

傳子作子與蓋古車與通用如秦三良之子車氏史記秦紀

趙世家扁鵲傳並作子與惟居字想以音同而譌耳

至乃伍員浮尸於江流 六臣本尸作屍梁書亦作屍
並一時秀士也 尤本及梁書時下有之字

循循善誘 南齊書劉瓛傳儒學冠於當時京師士子貴游莫
不下席受業

注狀亭亭以崑崙 崑崙當作茗茗各本皆誤

相次殂落 梁書次殂作繼徂

宗祀無變 余曰南史劉顯傳族伯劉瓛卒無嗣齊武帝詔顯
爲後

因斯兩賢以言古則昔之玉質金相 何曰向注以則字爲句
作典則解

候草木以共彫 尤本候作微恐誤

注黥斐先生 袁本黥作黔此偶誤

注敦洽讎麤推穎廣顏色如漆頰垂髮臨鼻長肘而盤 呂氏春秋遇合篇推作雄本書魏都賦注作椎呂氏春秋漆作狹髮作眼六臣本盤下有股字

其斯之謂矣 六臣本無其字

然命體周流又或先號後笑或始吉終凶 六臣本命體作體命號字吉字下並有而字

交錯糾紛迴還倚仗 梁書糾紛作紛糾迴還作循環而其道密微 六臣本密微作微密

謂寵亂在神功 六臣本寵作戮

注蔡邕陳太邱碑曰元方季方皆命世挺生膺期特授 何曰今蔡碑無此語或有二碑今逸其一林先生曰伯喈爲文絕作碑銘集中共三首此其廟碑也

故言而非命有六蔽焉爾請陳其梗概 六臣本命下有者字

梁書無爾字請上有余字恐是誤爾爲余因誤作余

注淮南子曰唆囁蓮蔭戚施醜也胡公攷異曰 此有誤也所

引修務訓文唆上有唼唼二字無醜也二字高誘注云唼唼

唆囁蓮蔭戚施皆醜貌也或許慎云醜也耳

同知三者 梁書同作固毛本改固依梁書耳

注貌摯夷 何校摯改執陳同

注淮南子曰厯陽至國沒爲湖 胡公攷異曰此以下皆注文

不得云淮南子曰謹按道藏本淮南子倣真訓云夫厯陽之

都一夕反而爲湖高誘注云厯陽淮南國之縣名今屬江都

昔有老嫗常行仁義有二書生過之謂曰此國當沒爲湖云

云此注所引當是脫淮南子正文二句及高誘曰三字惟以

歷陽屬九江郡與高注異攷漢志九江郡秦置高帝四年更名爲淮南國武帝元狩元年復故領縣十五有歷陽則今屬九江郡句必李所見高注原文如此其曰今屬江都者隋志歷陽郡統縣二歷陽烏江烏江下注云梁置江都郡齊改爲齊江郡陳又改爲臨江郡周改爲同江郡開皇初郡廢大業初置歷陽郡有六合山然則屬江都語疑以此而譌也

沸聲若雷震又焉能抗之哉

六臣本若作如抗作亢

注得天下之英才而教育之

今孟子無上之字按韓昌黎集

上宰相書引英上亦有之字

注淮南子曰夏后氏之瑣不能無考高誘曰考不平也

今淮

南于汜論訓高誘注考瑕釁也又說林訓白璧有考注釁汚與此注異本書注中引淮南子多有採許慎注者此亦當係

許注而誤作高誘耳

故事伯死於縣長相如卒於園令 六臣本亭伯作崔駰相如

作長卿梁書亦作長卿

注太常上對諸儒太常奏宏第居下策 何校策下添奏字陳

同胡公攷異曰此有誤也考漢書云宏至太常上策詔諸儒

又曰太常奏宏第居下策奏必善連引此二處耳

注尙書曰祖伊恐奔告于受孔安國曰受紂也音相亂 書下

當右序字此所引書及傳皆本在書序

踵武於雲臺之上 又耕耘於巖石之下 梁書無兩於字

比於狼戾 梁書於作其

注毛萇曰杯晚切 陳曰曰下脫板板反也四字

與三皇競其萌黎五帝角其區宇 又充仞神州 六臣本及梁

文選旁證卷四十三

三

書萌並作氓仍並作勿梁書字作寓

此四者人之所行也 六臣本無也字

成殺逆之禍 六臣本殺作弑梁書作悖

吉鹵在乎命 六臣本毛本命下有也字梁書在作存

司馬子韋 馬當作星說詳前西征賦

注磨其手 胡公攷異曰磨當作磨本書與岑文瑜書引作鄒

音鄒說詳前

若使善惡無徵 六臣本及梁書並無若使二字

且于公高門以待封嚴母掃墓以望喪 周嬰扈林云按荀悅

漢紀此東海人風謠漢書不載孝標蓋全用之六臣本高門

作門高但傳寫誤

若使仁而無報 六臣本及梁書若並作如

斯徑庭之辭也

注

邀遏之辭也

通雅徑庭者徑路之與中庭

偏正殊絕猶方言霄壤也遏當作過莊子釋文可證

河漢而不測

又

或立教以進庸怠

梁書測作極怠作惰

今以其片言

又

此生人之所急

六臣本無其字生作小

注

予惡乎知說生之或非邪

胡公攷異曰或非當作非惑

注

予惡乎知惡死之非弱喪而不知歸者邪

六臣本無非弱

喪而不知歸者邪九字作或是邪三字